



**1. PENOLONG JURUUKUR AGUNG
JABATAN UKUR
KEMENTERIAN PEMBANGUNAN
KUMPULAN 3 [\$4,750 SEBULAN]
KEKOSONGAN= 1**

KELAYAKAN MINIMUM:

1. a) Ijazah Sarjana Muda atau sebanding dalam bidang Ukur Tanah / Geomatik atau bidang bersesuaian.

Mempunyai kelulusan yang lebih tinggi dalam bidang tersebut di atas adalah merupakan satu kelebihan.

b) Telah berkhidmat di Jabatan Ukur sebagai Juruukur Kanan dalam tanggagaji B.3 tidak kurang dari 4 tahun dan telah ditetapkan dalam jawatan.

ATAU

- c) Telah berkhidmat dalam perkhidmatan Kerajaan dalam jawatan berkaitan dengan Ukur Tanah / Geomatik atau dalam jawatan yang bersesuaian dalam tanggagaji B.3 tidak kurang dari 5 tahun dan telah ditetapkan dalam jawatan.

2. Hendaklah terlebih dahulu menyediakan 2 kertas kerja yang asli yang memuaskan pihak panel penilaian, berkaitan dengan tugas pegawai tersebut, dalam 2 daripada bidang-bidang berikut sebagai satu penilaian kenaikan pangkat :-

 - i. Kertas Pembaharuan Perkhidmatan Awam.
 - ii. Kertas Kedudukan Pendirian Negara bagi mesyuarat di luar negeri.
 - iii. Kertas penggubalan / Penelitian Dasar.
 - iv. Laporan Tahunan Jabatan.
 - v. Penyediaan Peruntukan Jabatan.
 - vi. Kertas Kerja yang berkaitan dengan bidang masing-masing.

Kertas kerja yang telah disediakan hendaklah disahkan terlebih dahulu oleh Setiausaha Tetap / Ketua Jabatan masing-masing sebelum dihadapkan kepada Ketua Pengarah Perkhidmatan Awam.



3. Mempunyai Laporan Penilaian Prestasi di tahap yang **SANGAT BAIK** bagi tempoh 3 tahun kebelakangan.

TUGAS DAN TANGGUNGJAWAB PENOLONG JURUUKUR AGUNG:

1. Membantu Juruukur Agung dalam urusan Pentadbiran dan kerja-kerja Teknikal dalam Ukur Kadastra dan Kerja Ukur Geodetik di seluruh Negara.
2. Membantu Juruukur Agung dalam urusan Pentadbiran dan kerja-kerja Teknikal Pemetaan & GIS, Teknologi Info Komunikasi, dan Kemajuan Tanah di seluruh Negara.
3. Membantu tugas-tugas Timbalan Juruukur Agung.
4. Menjalankan tugas-tugas selaku Timbalan '*Management Representative*' (MR) dalam Pengurusan System ISO 9001:2000.
5. Menjalankan tugas-tugas sebagai Audit Dalaman.
6. Mengawas dan meneliti keperluan latihan pegawai dan kakitangan Jabatan.
7. Sebagai Pegawai Perhubungan Jabatan.
8. Setiausaha kepada Jawatankuasa R&D Jabatan.
9. Tugas-tugas yang diarahkan dari semasa ke semasa.